



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sacrum Misericordiae Palatium

Variis Sacrae-Scripturae Locis, Atque Septem misericordiae operibus quasi
peristromatibus exornatum


Gazaeus, Nicolaus

Augustae Trevirorum, 1618

Qvare Dæmon Eos Maxime Ita Violenter Oppetit Qvi Ex Hoc Mvndo
discessuri sunt. Capvt XLVII.

[urn:nbn:de:hbz:466:1-54459](https://nbn-resolving.org/urn:nbn:de:hbz:466:1-54459)

in atria Domini. Horum ergo ex empla
imitare, & animam tuam sincere Deo com-
menda ut cælum valeas obtinere.



QVARE DÆMON EOS
MAXIME ITA VIOLENTER

OPPETIT QVI EX HOC MVN-
do discessuri sunt.

CAPVT XLVII.

QVONIAM vehementissimi sunt in arti-
culo mortis impetus Dæmonis, inqui-
rendum nobis est, cur ita seuerè hominem
ægotum impetat naturæ humanæ inimi-
cus. Sicuti autem nocturno præcipue tem-
pore illusiones & spectra indit mentibus
hominum, quibus illos perterreat, ita sub
vesperum vitæ, grauius exurgit vt Christia-
num decipiat. Verum equidem est (vt scri-
bit D. Gregorius) Dæmonem trino tempo-
re Christianum aggredi, in initio Conuer-
sionis, in probatione, in profectu; sed ma-
xima, vehementissimaque omnium tenta-
tionum est, in exitu vitæ, cum vires omnes
exerit vt quæcumque per virtutum exerci-
tia

14. Moral. in
illud Iob. hæc
operatur Deus
tribus vicibus.

tia in vita perdidit, in exitu animæ recuperare possit.

Hinc necesse est vt qui in probatione & profectu inuictum semper retinuit animi, in vltimo vitæ termino eundem, immo validiorem referuet, siquidem omnes applicat maliciæ suæ vias, vt hominem à salutis semita exturbet. Ideò in genesi de serpente legimus insidiaturum calcaneo mulieris id est animæ. Nam sicuti calcaneum postrema corporis pars est; ita etiam Dæmon vltimas actiones ad amissum scrutatur & considerat. Cassianus de eo loquens sic scribit: *Vntus serpens calcanea semper obseruat. Quæ calcanea? corporisne? nequaquam. Parum enim vel nihil homini esset, neque technas suas Dæmon ad calcanea fordida & lutosa captantia applicabit; Sed vltimos actus, postremas operationes considerat, & illis insidiatur. Hinc rectè Draconi comparatur, qui fructum mulieris amictæ sole præstolabatur, vt eum deuoraret. Nam & ipse vndique circumcursitans lustrat si qua via animæ damnatio dari possit, & eam deuorare & perdere valeat, quam lumine gratiæ diuinæ illustratam conspicit. Et quia vires deficere veretur, non solus accedit, sed multis comitatus adiutoribus, qui quasi leones ra-*

Cap. 3.

Lib. 4. de Institut. cœnob. c. 37.

RE
 recupe-
 bididi, quærunt prædã quam deuorent. Tunc
 illud adimpletur quod per Apostolũ scrip-
 tum legitur: *Non est nobis colluctatio aduer-
 sus carnem & sanguinem, sed aduersus prin-
 cipatus & potestates, aduersus Mundi rectores
 tenebrarum harum, contra spiritualia nequi-
 tia in cœlestibus.* Sicut etiam illud psalmistæ:
*Cogitauerunt supplantare gressus meos abscon-
 derunt superbi laqueum mihi, & funes exten-
 derunt in laqueum, iuxta iter, scandalum po-
 suerunt mihi.* Verũ: *Beatus vir qui sperat in
 Domino: Beatus cuius Dominus Iacob adiu-
 tor eius, nam, non confundetur cum loquetur
 inimicis suis in porta.* Cum ergo Dæmon
 debilitatem formidat multos secum sumit,
 vt nobilis cuiusdam Malburgensis exem-
 plo constat, qui cum mundanis rebus valedixisset, vt Religionem profiteretur, in exitu vitæ Sathanam quindecim fatellitũ milibus comitatum conspexit, qui peccata omnia opponebant vt virum iustum in desperationis vitium pertraherent, sed confusi loco cedere debuerunt. In illa hora qua Eusebius Cremonensis ex hac luce migraturus erat, capite fursum elato, oculisque huc & illuc confixis, clamabat: Nunquid conspicitis turbam illam Dæmonum, quæ in meæ salutis ruinam conuenit? Verissimum

H h mum

mum ergo est hunc nostræ felicitatis ho-
 stem, duplicatis semper nos in hora mortis
 oppetere viribus. Quare? Quia tunc se vel
 omnia amissurum, vel lucraturum agnos-
 cit, ideoq; vnit vires, conuocat artes quibus
 animam exeuntem rapiat. Expertus insu-
 per est, se plurimos in extremo vitæ statu
 perdidisse, quos toto vitæ tempore suo sub-
 iecerat imperio; se etiam multos obtinu-
 isse, qui iustam duxerant vitam. Nec mirum
 Quemadmodum enim plerumque cerni-
 mus, nauim quæ diu nauigationem sustinu-
 it in portu perire; ita etiam per sæpe vide-
 mus quosdam qui toto vitæ tempore virtu-
 ti, & carnis mortificationi operam dede-
 rant, in vltima vitæ periodo salutis suæ nau-
 fragium pati. Ideoque insistit & inuigilat, vt
 si quid suis patet technis & insidijs, rapiat.
 Non iniustum deserit, non iusto parcat.

Propterea enim in cruce Domini fuisse
 creditur, vt videret si vel ex præsumptione
 vel diffidentia aliquid ab eo habere posset,
 quem humanitatis nostræ miserijs indutus,
 Deum esse non agnoscebat.

Deinde, in cœlo contra creatorem pug-
 nare cœpit, quem cum superare non posset
 in creaturam insiliit, vt si non factorem
 saltem

altem hominem ab eo factum suæ subde-
ret potestati. In quo similis est militi, qui
cum exercitus robor oppetere non audet,
custodes sarcinarum aggreditur, vt inde re-
portet trophæum.

Videt insuper vltimam tentationis adi-
mi horam, ideoque ad instar exactoris ve-
hementius instat vt contra ægrotum fauo-
rabilem obtineat à iudice pro parte suâ sen-
tentiam. Vt etiam tempore modico pro-
ficue vult. quemadmodum enim miles
sole ad occasum tendente feruentius in-
stat vt hostem superet; ita Dæmon sciens
quia modicum tempus habet hominem
quavis arte propellit, vt in æternæ dam-
nationis supplicium trahat.

Leo, dum prædam quam vngue tenet
fugam aucupari cernit, vehementius pre-
mit: sic Inimicus, dum hominem per mor-
tem suo se excutere velle iugo cernit, forti-
us eum comprimit, vt facilius suis sugge-
stionibus eum perimat, quem per Sacra-
mentorum susceptionem à se aufugere
velle conspicit.

Denique, sicuti Pharaö Filios Israel *Exod. 14.*
maximè persecutus est cum ab Ægypto
recederent, eos persequens & eorum rui-
næ studens: & sicut Laban tunc Iacob

Hh 2 inse

insecutus est, cum relicta domo ad terram Patrum migrare vellet; Ita Dæmon, tunc homines violentius vt Pharaon aggreditur, dum ad terram promissionis iter parant, & ad se recipiendos in terram patrum disponunt. Hæ sunt rationes, quas paucis enucleare volui propter quas, ita ferociter hominem inimicus aggreditur, & tam variis impugnat armis, quorum aliqua referam impossibile iudicans omnia in ordinem redigere, cum non sit peccatum in mundo, quo nos in ruinam pertrahere non nitatur.

Genes.



QVOD ÆGROTVS DE
DESPERATIONE TENTATVS
VIRILITER RESISTERE
debeat.

CAPVT XLVIII.

ANtequam vlti^o in hac materia progrediar, reprobanda illorum opinio est, qui existimant Dæmonem sola desperatione hominem illum aggredi qui toto vitæ tempore in peccatis delituit, non verò cum